

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. L. TIT. XI. De Nundinis.

urn:nbn:de:gbv:45:1-9050

sed & quid consultius sit sibi ac Reip. suæ, quid generosius, quid decen-
tius &c. At ex eo, quod populi ac Principes in Legatorum delicta inqui-
siverunt & animadverterunt, sequitur, id Jure Naturæ sibi licitum per-
missumque fensisse. Itaque ex his affirmative, ut loquuntur scholæ, in-
ferri potest, ex illis negative non potest.

§. XLII. Etsi igitur hoc præsertim seculo Principes ac populi Eu-
ropæ vix vel rarissime in Legatos, si quid admiserint, statiere, sed vel
illud dissimulare, vel Principi ipsorum denunciare id soleant; non tamen
inde concludi potest, quod jure non possint in eos statuere; sed quod
vel id præsentis rerum statui non conducere, vel quod generosius id
esse existiment, ita agere; vel denique, si id juris esse velint, non esse hoc
nisi Jus Gentium secundarium, quod summos Principes, qui non nisi
DEUM superiorem agnoscunt, non obligat, *ut supr. dictum.*

LIB. L. TIT. XI.

DE NUNDINIS.

Qv. I. Quænam sit ratio hujus privilegii?

RESP. Extranei regulariter excluduntur a commerciis; quia, cum
cives onera soli ferant, æquum est, ut comoda commerciorum soli
habeant. Ne tamen in totum excludantur extranei, Nundinæ sunt in-
troducæ, seu conventus mercatus causa publica autoritate instituti, cum
privilegio, quod extranei advenire, nec personæ vel res eorum, qui con-
venerunt mercatus causa, illic possint detineri, vel in jus vocari, ex causa
civili antecedente. *L. un. C. h.*

OBJ. Quod commercia sint Juris Gentium, indeque non opus ha-
beant privilegio.

RESP. Etiam eis, quæ sunt Juris Gentium, propter utilitatem publi-
cam derogari potest. Sed & privilegium illud excedit fines Juris Gen-
tium, utpote quo illi, qui mercatus causa accedunt, omnino propter debi-
tum conveniri possunt.

Qv.

Qv. II. *An nundinae, quae a Statibus instituuntur, re-
ste dicantur minus solennes?*

NEGATUR, sed hae aequae solennes sunt, ac illae, quas Imperator infli-
tuit, eademque habent privilegia, nec differunt, nisi latitudine privi-
legii: nam illae valent saltem intra fines territorii cuiusque Status, nec ul-
tra securitas extenditur; at nundinae, ab Imperatore confirmatae, valent
per totum Imperium. *Dn. Par. Jur. publ. c. 23. §. 10.*

*Laut. pag.
742. verb.
minus so-
lennes.*

Qv. III. *An propter contractum, in ipsis nundinis
celebratum, aliquis conveniri possit?*

AFFIRMATUR: Quia privilegia dantur ad amplificanda commercia; *Dissentit*
at tale privilegium tenderet ad destructionem commerciorum; ne- *Laut. pag.*
que favor is esset mercatorum, quia nemo cum iis contracturus esset; Sa- *742. verb.*
ne legatus, qui maiori privilegio gaudet, de debitis tempore legationis *neque pro-*
contractis, conveniri in loco legationis potest, *pter.* *L. 2. §. 3. Et 4. ff. de Jud. &*
ratio additur in *L. 25. ff. eod.* quia alias potestas eis daretur, sub hac specie
res alienas domum auferendi. Sed & ratio securitatis hic cessat; quia
jam est in nundinis.

OBSTAT. *L. un. C. h. ubi in genere dicitur, nullum in mercatibus at-
que nundinis ex negotiatorum mercibus conveniant Et c. vel sub praetextu
privati debiti aliquam ibidem concurrentibus mol. fiam possint inferre; ge-
neralia autem generaliter sunt intelligenda, L. 8. de Publ. in rem act. L. 1.
§. 1. de Leg. praest.*

RESP. Imo contra rationem Juris & aequitatem extensio illa fieri non
debet; dixi enim, iniquissimum esse, si contrahenti in nundinis ad suum
forum provocare liceret.

Atque pro nostra sententia militat *Wes. & Mev. apud Laut. h. t. Brunn.
ad W. h. qu. 2. Dn. Par. Jur. publ. c. 23. §. 10. ibique Dd. Treutl. D. 2. th.
2. lit. c. Aliud obtinet in Saxonia, Carp. 2. P. 1. C. 30. def. 26.*

NO T. Securitas haec plane non pertinet ad delicta. *Dn. Par. d. §. 10.*
Atque hinc relegati, tempore nundinatum reversi, abscissione digitorum,
fustigatione, quin aliquando gladio punitos esse, ait *Phil. Uf. pr. Inst. L. 1.
Ecl. 75 n. 4.* Ita, qui rem furtivam in nundinis vendit, ideo conveniri, &
ab euntote res vindicari potest, *Phil. d. lib. 4. Ecl. 9. n. 3.*



LIB. L. TIT. XII
DE POLLICITATIONIBUS.

Qv. *An differat pollicitatio a pacto?*

AFFIRMATUR: Quia pactum utriusque consensu contrahitur; pollicitatio unius consensu perficitur. *Dn. Par. Hyp. Inst. de Oblig. §. 6.*

OBJ. Quod tamen etiam in pollicitatione requiratur, ut alter deinde acceptet. *L. 3. h.*

RESP. Hoc verum est ratione acquisitionis, nam non acquiritur alteri, qui rem habere non vult: at ante acceptationem promissor vere est obligatus, nec penitere potest, *d. L. 3. pr. h.* secus, ac in pactis.

OBJ. Pollicitationem pactum dici in *L. 5. C. de contr. stip.*

RESP. Omnino etiam per pactum fieri potest, at id non est de essentia.

An est pollicitatio, si alter, cui promittitur, tacet?

AFFIRMAT *Treutl. tit. de Pact. th. 1. lit. 6. Negat Fach. 8. contr. 64.*
Posterior sententia verior, sed tum verum erit pactum, quia tacens consentire videtur.

F I N I S.



INDEX